

卷一百四十一



歷代史纂左編卷第一

明都察院右僉都御史 淮揚軍務前左春坊右司諫 兼翰林院編修 武進唐順之編輯

太子太保兵部尚書都察院右都御史總督浙西等處軍務新安胡宗憲校刊

門生 袁一革

武進左 杰校正

君

漢高祖

僖

彭越 陳豨

黥布 吳芮

編左纂史一百四十二卷 嘉靖四十年序新安胡氏校刊本
明唐順之輯 卷一百四十一 史·史鈔 史部·史鈔·3 B4361100

書名撰者 卷內容分類 索書號 編號

彩色首頁1

[東洋文化研究所漢籍目錄 編號: B4361100](#)

[東洋文化研究所漢籍目錄所藏漢籍善本全文影像資料庫 索書號: 史部·史鈔·3](#)

[漢籍善本全文影像資料庫文本 歷代史纂左編一百四十二卷 嘉靖四十年序 新安胡氏校刊本](#)

版權所有: [東京大學 東洋文化研究所 使用上的注意事項](#)


龍於上巳而有如遂產高祖高祖爲人隆準而龍顏
澤之披夢與神淵
時雷電晦冥父太公往視則交
豈邑中陽里人也母媪嘗息大

陸漢

所究研京東院學化文方東
No. 685

東
方
文
學
化
學
研
究
所

0 1 2 3 4 5 6 7 8 9 10



歷代史纂左編卷第一百四十一

①道丘處機

師名處機字通密號長春子登州栖霞人金熙宗皇
統八年正月十九日生幼穎悟強記夙有道緣世宗
大定六年師甫十九遁居崑崙山七年聞重陽祖師
於寧海全真庵卽往師焉重陽以誦贈之云細密金
鱗戲碧流能尋香餌會吞鈎被予緩緩收綸線拽入
蓬萊永自由其器重可見八年春從祖師往煙霞秋
冬居文登九年與丹陽長真長生從祖師遊梁祖師
日久訓誘比之餘尤加切至未幾祖師羽化四人

護喪葬之終南廬墓三年各任所適師居礧礧者六年龍門七年養其所受之於師者或時作歌詩以形容之由是聲名藉甚因京兆統軍夾谷公禮請遂復終南載揚祖教二十八年世宗召入見問以至道師首陳延生保命之要次及持盈守成之難又曰富貴驕淫人情所常當兢兢業業以自防爾誠能久而行之去仙道不遠諛詭幻恠非所聞也上嘉納之館於萬寧宮之西以便咨訪五月召見於長松島七月復召見師剖析至理進瑤臺第一層曲又應制五明日賜上林桃師不食茶果十餘年上至是一啖之因上賜

也八月得旨還終南賜錢十萬辭不受二十九年世宗崩道逢哀詔挽之以詩章宗明昌元年東歸栖霞大建琳宮勅賜其額曰大虛三年十月芝陽醮忽塵中數騎西來衆驚以爲驛傳俄頃塵散杳無音迹三夜聖前之杯酒醮者十餘始悟塵中之騎神物也五年九月主醮於福山方請聖聞天關震響北辰下紅霄燭地可辨纖悉泰和七年元妃施道經一藏驛送栖霞東海郡侯大安改元作學仙記二年作開天記宣宗真祐四年師居登州上命東平監軍王庭玉齋詔召師歸汴師曰我循天理而行天使行則無敢違

也歲在己卯

時金宣宗興定三年南宋嘉定十二年

居萊州昊天觀時

齊魯陷於宋秋八月宋遣使召師命大帥彭義斌差官衛行不起州牧以爲異師曰吾之出處非若輩所可知他日恐不能留耳是年五月元太祖自奈蠻國遣侍臣劉仲祿請師其制畧曰七載之中成大業六合之內爲一統是以南連蠻宋北接回紇東夏西戎悉稱臣佐任大守重懼有闕政且夫剡舟剡楫將以濟江河也聘賢選佐將以安天下也朕踐祚以來勤心庶政三九之位未見其人伏聞先生體真履規博物洽聞探賸窮理道冲德著有古君子之遺風抱直

上人之雅操今知猶隱山東舊境朕心仰懷無巴山川懸闊有失躬迎之禮朕但避位側身齋戒沐浴選差近臣備輕素車不遠數千里謹邀先生暫屈仙步不以沙漠遠行爲念或憂民當世之務或恤朕保身之術今朕得親仙座惟先生將咳嗽之餘但授一言八月仲祿抵燕至東萊傳所以宣召之旨師慨然許行庚辰正月弟子選可以從行者得一十八人二月入燕行省石抹公館於玉虛觀仲祿先遣人馳奏師亦奉表以聞四月作醮於太極宮師登寶玄堂傳戒有鶴自西北來焚簡之際一簡飛空五鶴翔舞其上

明日師北行道出石庸遇羣盜皆稽顙以退且日母
驚師父五月至德興寓龍陽觀中元日醮午後傳戒
衆露坐暑甚須臾雲覆其上狀若圓蓋移時方散觀
中井水僅給百衆至是汲之不竭八月大傳移刺公
請居宣德之朝元觀公構聖殿及祖堂欲畫其壁時
當十月畫工以寒辭師不許曰鄒律尚能回春况聖
賢有所扶持耶畢工果無沍寒之阻是月進表者曷
刺廻有詔曰勅真人丘師省所奏應召而來者惟師
道逾三子德重多方命臣奉厥玄纁馳傳訪諸滄海
時與願適天不人違兩朝屢詔而弗行單使一邀而

起謂朕天啓所以身歸不辭暑露於風霜自願
跡於沙蹟書章來上喜慰何言軍國之事非朕所其
道德之心誠云可尚顧川途之雖闊瞻几杖之非遙
爰答來章可明朕意秋暑師比安好遣書指不多及
又勅仲祿無使真人飢且勞可扶持緩來其禮敬如
此辛巳二月道友餞行於西郊至有擁馬首而泣者
日師去萬里外何時復獲瞻禮師曰三載歸矣五月
朔抵陸局河日食之既七月至阿不罕山鎮海來謁
言前有大山高峻廣澤沮陷不可以車留門弟子宋
道安九人立檣霞觀率趙虛靜輩輕騎以行中秋日

抵金山白骨甸皆云此地天氣陰黯魑魅魍魎爲祟
過者必以血塗馬首厭之師笑曰道人家何憂此過
之卒無所見抵陰山王官士庶道釋數百來見師因
問其故俗乃曰景龍三年楊何爲大都護有德政惠
及後人於今賴之十一月至邪迷思干大城之北大
師移刺國公等載酒以迎大設幃幄因駐車焉大師
以回紇艱食復多盜賊恐變生不測師曰道人任運
逍遙以度歲月白刃臨頭猶不足畏況盜賊未至而
預憂乎且善惡兩途必不相害衆遂安冬居等端氏
之新宮壬午三月上旬阿里鮮至自行宮宣諭仲祿

鎮海曰惟汝二人護從真人來仍勅萬戶播魯只以
甲士千人衛之過鐵門達於行在舍館定入見上勞
之曰他國徵聘皆不應今遠逾萬里而來朕甚嘉焉
對曰山野詔而起者天也咨訪焉上重其誠實設二
帳於御幄之東以居之約四月十四日及期有山賊
之報上欲親往改十十月望吉師乞還舊館上曰再
來不亦勞乎師曰兩旬可矣上又曰無護送者越三
日命宣差楊河狗督回紇酋長一千餘騎從行由他
路廻五月道邪迷思干諸官迎師入館時重五日也
師旣還館館據北厓俯清流十餘丈溪水自雪山來

甚寒仲夏炎熱就軒風卧夜則寢屋顛之臺六月極暑浴溪中師之在絕域也自適如此其館中賓客甚少每以經書遊戲有詩云北出陰山萬里餘西過大食半年居遐荒鄙俗難論道靜室幽巖且看書七月遣阿里鮮奉表詣行宮稟論道日期八月七日得上批答八日卽行大師相送數十里二十二日田鎮海來迎及行宮上遣鎮海曰便欲見耶且少憇耶師曰入見是望旣見賜湏酪竟乃辭上曰師每日來就食可乎師曰山野修道之人惟愛靜處上令從便廿七日車駕北迴在路屢賜葡萄酒瓜茶等九月朔渡航

益而北師奏話期將至上召大師阿海其月旣望夕上設庭燎虛前席以延之大師阿海阿里鮮入侍上問以至道師曰夫道生天育地日月星辰鬼神人物皆從道生人止知天大不知道之大也輕清者爲天天陽也屬火重濁者爲地地陰也屬水人居其中負陰而抱陽故學道之人知修煉之術去奢屏欲固精守神惟煉乎陽是致陰消而陽全則昇乎天而爲仙如火之炎上也其愚昧者以酒爲漿以妄爲常恣情逐欲耗精損神是致陽衰而陰盛則沉於地而爲鬼如水之流下也修真者如轉石上山山愈高而進

愈難跬步顛沛前功俱廢以其難行舉世莫之爲也
道人修真煉心一物不思如太虛止水水之風息也
靜而清萬物照之燦然悉見水之風來也動而濁曷
能鑑萬物乎本來真性靜如止水眼悅乎色耳好乎
聲舌嗜乎味意著乎事此數者續來而疊舉若飄風
之鼓浪也道人治心之初甚難歲久功深損之又損
至於無爲道人一身爾治心尤難矧夫天子富有四
海日覽萬機治心豈易哉但能節色欲減思慮亦獲
天祐况復能全戒者乎古之人以立嗣而娶嗣立而
戒欲則孔子四十而不惑孟子四十不動心蓋人生

四十以上血氣漸衰陛下春秋已高宜修德保身以
介眉壽論以服藥獨卧之理藥爲草精爲髓去髓添
草譬如囊中貯金以金易鐵久之金盡囊之所存者
鐵耳夫何益哉服藥者何以思此飲食居處珍玩貨
物亦當依分不宜稍過四海之外所有國上誠衆奇
珍異寶其產雖多然不如中原天垂經教治國治家
之術爲之大備屢有異人感通昇天者山東河岳天
下美地多出良香美蔬魚鹽絲枲以給四方之用自
古得之爲大所以歷代有國者惟重此地耳今盡爲
陛下所有柰何兵火相繼流散未集宜選一官爲

之規畫重免稅賦使軍國足布帛之用黔黎復蘇息
之期一舉兩得茲亦祈福之一端耳苟授非其才不
徒無益反為害也初金國之得天下以創業東土中
原人情尚未諳悉封劉豫於東平使經營八年然後
取之亦鬻劍之良策也山野微陳梗槩其用之捨之
惟在宸衷之斷而已上悅今左右書之為策此其大
畧也其詳見慶會錄翌日上問以震雷事對曰山野
聞國俗夏不浴於河不浣衣不造氈野有菑則禁其
採畏天威也然非奉天之至道嘗聞三千之罪莫大
於不孝今聞國俗於父母未知孝道帝宜教戒之上

集太子諸王大臣諭以師前後之語且云天俾神仙
為朕言此汝輩各銘於心神仙之名始於此矣癸未
二月七日因入見而辭上曰少俟三五日前日道語
有所未解者朕悟即行上獵東山第一大豕馬踏失
馭豕傍立不敢前左右進馬遂罷獵師聞之入諫曰
天道好生今聖壽已高宜少出獵墜馬天戒也豕不
敢前天護之也上曰朕已深省以騎射少所習雖未
能遽已神仙之言在我衷焉自是乃簡出三月七日
又入辭制可而所賜備極豐腆皆辭之授尊重安慰
之旨以寵其歸因命阿里鮮護師東行送之者皆泣

別至阿不罕山過栖霞觀至五月中師不食但飲湯
而已衆謔之曰師奚疾師曰予疾非爾輩所可測聖
賢琢磨故耳是夕尹清和夢人謂之曰師之疾公輩
勿憂至漢地當自愈六月晦抵豐州宣差俞公請止
其家奉以湯餅輒飽食是後如故衆相謂曰清和之
夢驗矣至雲中阿里鮮欲招諭山東請與清和行師
曰天意未詳雖往何益阿里鮮再拜曰若國王臨以
大軍生靈必遭殺戮師曰雖救之不得猶愈於坐視
也從其請八月至宣德居州之朝元觀河朔州府王
官將帥以書疏來請者若輻輳然師答云王室未寧


道門先暢開度有緣恢弘無量羣方帥首志心歸向
恨不化身分酬衆望甲申二月朔居縉山之秋陽觀
燕京行省石抹咸得不宣差便宜劉仲祿各持疏懇
請住太極宮許之乃度居庸初師之出武川也衆請
還期師曰三載歸至是如其言是月曷刺至自行在
傳旨神仙至漢地凡朕所有之城其欲居者居之衆
官咸曰師許太極矣請無他議是後道侶雲集玄教
日興乃建八會曰平等曰長春曰靈寶曰長生日明
真曰平安曰消灾曰萬蓮求法名者日益衆常以歌
頌示之時復出遊故園瓊華之上從者五六人宴坐

松陰或自賦詩或相屬和夕陽在山澹然忘歸乙酉
春師折梨花一枝持賜寧玄居士張公去華公重其
賜瓶以養之至秋結實二十有四無異其樹之生者
時以爲祥去華乃誠明之父也師之寓意微矣哉延
祥觀枯槐一株師以杖遶而擊之云此槐生矣及今
榮茂他槐莫及九月初宣撫王楫以熒惑犯尾宿主
燕境災將醮以禳之問所費師曰一物失所猶懷不
忍況闔境乎比年民苦徵役公私交困我當以常住
物給之但令衆官齋戒以俟行禮醮竟之夕宣撫喜
而賀曰熒惑已退數舍我輩無復憂矣師之德感何

其速哉師曰予何德祈禱之事自古有之但恐其不
誠耳丙戌五月京師大旱行省請師主醮雨乃足僉
曰神仙雨也名公領儒皆以詩賀丁亥五月復旱在
京奉道會衆請作醮師徐謂曰我方留意醮事公等
亦建此議所謂好事不約而同也仍云一日爲祈雨
醮三日爲賀雨醮三日中有雨是名醮家瑞應雨過
三日非醮家雨也或曰天意匪易度師對衆出是語
萬一失期能無招衆口之訾也師曰非爾所知也後
皆如師言是月門人王志明至自秦州奉旨改大極
宮爲長春瓊華島爲萬安宮仍賜以虎符凡道家事

一委神仙處置六月師不出明日雷雨大作人報云
太液之南岸崩裂水入東湖聲聞數十里鼉鼉魚鱉
盡去池遂枯涸北口山亦摧師初無言良久笑曰山
摧池枯吾將與之俱乎七月四日師謂門人曰昔丹
陽嘗授記於予云吾歿之後教門大興四方往往化
爲道鄉道院皆勅賜名額又當在持大官觀仍有使
者佩符乘傳幹教門事此乃功成名遂歸休之時也
丹陽之言一一皆驗吾歸無遺恨矣九日登寶玄堂
留頌云生死朝昏事一般幻泡出沒水長閑微光月
處跳烏兔玄量閑時納海山揮斤八紘如咫尺吹

萬有似機關狂辭落筆成塵垢寄在時人妄聽問書
畢而逝春秋八十便宜劉仲祿揮涕而嘆曰真人入
觀以來君臣道合離闕之後上意眷慕未嘗少忘今
師既昇化速當聞奏自是四方赴喪者哀慟如喪其
親戊子三月朔清和建議爲師講堂於白雲觀期以
十一月九日大葬六月霖雨皆慮有妨七月朔廓然
晴霽及啓棺容色如生觀者如堵三日藏仙蜕於堂
異香芬馥者移時既寧神大雨宣撫王楫會葬自爲
主盟親榜其堂曰處順至元六年贈長春演道主教
真人師之歌文有磻溪鳴道集行於世



郝大通

師名大通字太古寧海人廣寧其號也金熙宗天
 三年正月初三日生世為宦族郝朝列之從弟少孤
 事母甚孝嘗夢神人示以周易秘義由是動曉陰陽
 律曆卜筮之術厭紛華而樂淡薄隱德於卜筮中世
 宗七年祖師至寧海見其資稟高古所習不凡遂以
 背坐之機感動之翌日晚於朝元觀付以二詞言下
 領悟如走萬里迷途一呼知返蓋其根本知覺分上
 夙有薰染之力故耳既接言論其相與固結日深一
 日八年三月從祖師至崑崙烟霞洞請列門弟中而

求法焉祖師乃名之曰璘道號恬然子仍以弊衲去其袖畀之曰勿患無袖汝當自成蓋傳法之意也今之名號自言游鳳翔踞中偶得之師在文登常携瓦罐喫食經半載誤觸之碎祖師別賜之題頌於其上云撲碎真灰罐却得害風觀直待悟殘餘有箇人人換九年秋馬譚劉丘四師從祖師西去留師與玉陽居查山後玉陽以師不立苦志忠告而勸激之師遂西訪四師四師方廬於祖師墓喪禮終師欲與同處聞譚長真激以隨人脚根轉之語明日遂行至岐山遇神人復授以易之大義丁五年坐於趙州橋下而

不語常爲小兒輩戲累磚石爲塔於頂囑以勿壞頂竟不測河水泛濫而不動而亦不傷如是者六年其所守蓋如此真定少尹郭長倩過之下車致拜禮所贈甚厚覬師一顧終不能得嗟異而去二十二年居真定每陞堂講演遠近來聽者常數百人有問荅歌詩周易參同演說圖象總三萬餘言目曰大古集後至咸平與高士王繪賢佐遊賢佐相從亦常十數人占筮之應十得八九師則無不應者由是賢佐輩皆神之請當師席而受其秘義賢佐因之名動闕庭師嘗欲作易圖遽然索筆其徒范圓曦以粥熟告師曰

速持來我方得意筆入手一朝揮三十圖至於天長預告侯子真之火恩州夜入王鎮國之夢人之休咎道之行否兵革所臨之期凡有言之於其前莫不驗之於其後史館張邦直子中所謂驚動人之耳目其後往往能道之故不著云東海郡侯崇慶元年十二月三十日仙輓於寧海先天觀春秋七十有三前此三年令預修墓事及期果然元至元六年贈廣寧通玄太古真人云

王處一

師名處一寧海東牟人玉陽其號也金熙宗皇統二年壬戌三月十八日母周氏夜夢紅霞繞身驚寤是日乃生甫七歲嘗氣絕仆地移時方蘇母驚問曰汝何爲而若是曰但知熟寐不知其他師因悟生死之理一日偶至山中遇一老人坐大石謂之曰子異日揚名帝闕爲道教宗主遂摩頂令去又嘗聞空中人問云汝識我否對曰未識也曰玄庭宮主也是後狂歌謾舞冬寒跣足單衣顏色不變忽作頌自歌云爭甚名競甚利不如及早修心地自家修證自前程自

家不作爲羣類冠或告以婚事笑而不應世宗大定八年師在文登牛僊山庵居人告以祖師至卽詣全真庵請爲門弟子祖師知其爲玄門大器遂從其請二月晦從祖師至崑崙烟霞洞乃授以正法及今名其母拜祖師亦願學道師知其貞潔以德清名之號玄靜散人九年四月師在鐵查山祖師與丹陽輩數人自文登將歸寧海取道龍泉時日方熾祖師執傘而行丹陽輩從之其傘忽騰空而去自辰及脯墮於師庵之前龍泉距查山幾二百里柄內得今號又曰傘陽子此字祖師撰之也暨有七人之名師在焉

譚劉丘之次故祖師有云傘竹通爲七箇人以應金蓮之七數也又云結竹金丹出頂上五光射透彩雲棚九月祖師西邁師隱於雲光洞常臨危崖翹足駐立不移者數日人以鐵脚僊人目之師九年煅煉心地開明是後數往來於齊魯間二十四年秋居寧海丹陽真人來自關中同宿於金蓮堂從容謂師曰重陽祖師不遠數千里提挈吾儕吾儕殊無以報不愧於心歟且得道之士苟利其身功不及物恐非弘濟之旨誠欲光昭先師之德莫若昭玄應而福生靈公今挹道藏器而獨善其身乃無不可乎師曰且道無

同異緣有行否先生道備一身德光四海使天下之人望風而敬服者無他是道興而緣行也今貧子緣之未行姑猖狂以混世耳丹陽然之二十七年世宗徵赴闕凡所應對大副宸衷館於天長觀者久之上聞有以鴆酒害師者遣使詢其酒之所自來雖至再三終不之告但托疾而已上聞益深嘉嘆乞還山侍親從之二十八年二月復詔至闕建脩真觀賜金書篆額俾居焉二月壬萬春節醮事八月得旨歸仍賜金帛鉅萬辭不受十二月上弗豫遣使召師師謂使者曰何來之晚恐不及重睹聖顏矣明年春逢哀詔

於涿郡固辭東還章宗承安二年七月徵見於便殿問以養生之道師以無爲清靜少私寡欲爲對又問性命之理師言內丹之說以心運氣是皆無爲自然斡旋造化玄元至道不爲而成也上曰非朕所得而幾乃問以治國及邊境事所對莫不允合上心又謂曰先生凡有所問而必知之何也師曰偶然耳上曰毋讓朕願聞之師曰鏡明猶能鑒物而况天地之鑒無幽不燭何物可得而逃所謂大地之鑒自巳靈明之妙也上嘆曰清明在躬志氣之帥嗜欲將至其兆必先先生之謂也明年春奏母八壽番九奏乞侍

養上賜觀額及體玄大師號物冠其二年癸亥上
命亳州大清真宮兩主普天醮事具戒度為道士者千
餘人得遇師之降日門人畢集師之母曰我今年耄
如何得歸師言壽期或在今年之七月也母因有不
貪生不_世死之語及期得疾_無速營葬事凡二十
有五日而逝逝之日人間異香馥郁篋弦清雅移時
方止北京按察使李木魯公久佩師旨訓名尊道凡
與師遇或預言雨降之期或告以後會之處歷歷皆
應一日詣聖水致懇而言曰尊道於神仙但聞其名
自遇師之後凡伸祈禱必垂嘉應行止會遇示以預

知深_地塵凡不能從雲水之游事與願違徒增悵然
也七年元妃施道經一藏驛送聖水玉虛觀觀之水
洞前有大石斜出數丈俯其下過者懼懾一日集眾
謂之曰大石今宜出之錘鑿具舉攻之數日師問云
幾何對曰百分之一爾師笑曰汝等安能辨此遂躬
詣其傍運錘三擊聲若雷霆響震崑崙谷其石乃墮見
者莫不悚然真祐四年文登令溫廸罕龜壽迎師歸
縣之天寶觀明年四月二十三日師語門人曰羣仙
已約我矣言訖沐浴冠帶焚香朝禮十方乃辭世師
之歌詩有雲光集行於世

元至元六年贈王陽體玄廣度真人先是明昌改元
重五日萊陽縣劉植以無嗣告師曰公富而好禮未
應絕也然吾稟之上蒼六月望日請其居而植爲置
具師曰特來送嗣豈可以常酒相待耶庫之西北所
封者妙醞也植往索之得煑酒一器師曰不惟此酒
嗣亦如之索紙書一頌後批四四應真四字明年四
月十有四日而生子乞名師曰已與之矣植良久曰
四四則人所共知應真二字是其名否師曰是日純
陽降世非應真乎遂名之至於此遲金愈歷年之疾
爲潘信起克徒之死臥凍雪於趙實之門復鳴雞於
羌僦之架冬單衣而奕棋瓶無底而貯酒傳道則有
山鳴谷吼之應書符則有鬼恠潛出之靈此類甚多
是皆師應世之迹具載別記茲不備錄焉





王喬

王喬者河東人也漢明帝時為尚書郎出為葉縣令漢法畿內長吏節朔還朝喬每月朔旦常自縣詣臺朝帝怪其來數而不見車騎密令大史伺望之言其臨至輒有雙鳧從東南飛來於是候鳧至舉羅張之得一隻為焉乃詔尚方詐視則四年中所賜尚書官屬履也每當朝時葉門下鼓不擊自鳴聞於京師後天下玉棺於堂前吏人推排終不搖動喬曰天帝獨召我邪乃沐浴服飾寢其中蓋便立覆宿昔葬于城東自成墳其夕縣中牛皆流汗喘乏而人無知者自

漢書卷之六十一

十一

姓為之立廟號葉君祠吏人所禱無不如應若有違
犯亦便見禍或云即僊古人王子喬祠後改雙鳧觀
屬汝州

司馬承禎

後周瑯琊公司馬裔玄孫承禎字子微洛州温人
也事潘師正傳辟穀導引術無不通師正異之曰我
得陶隱居正一法逮汝四世矣久之辭几席徧遊名
山廬天台構層軒於壇上日為衆妙臺唐武后嘗召
之未幾去與陳子昂盧藏用宋之問王適畢構李白
孟浩然王維賀知章為仙宗十友睿宗復命其兄承
禎就之詔曰煉師德超河上逍遙浮丘高游碧落之
庭獨步清源之境朕初登寶位久藉微猷雖堯帝不
圖翹心齧缺軒皇御曆遠想崆峒緬惟彼懷寧妨此



顧朝欽夕行迹滯心飛欲遣使者專迎或慮煉師嘉
遊故令禕往願與同來披遂不延先此母慮既至引
入中掖延問其術對曰爲道日損損之又損以至於
無爲夫心目所知見每損之尚不能已况攻異端而
增智慮哉帝曰治身則爾治國若何對曰國猶身也
故游心於淡合氣於漠與物自然而無容私焉則天
下治帝嘆詠曰廣成之言何以加此賜寶琴霞帔以
還公卿賦詩送之常恒徐彥坦總而爲之序曰白雲
記後復遣使迎至京師親度符籙賞賜甚厚每固辭
請歸盧藏用早隱終南山後登朝居要官見承禎將

還天台藏用指終南山曰此中大有佳處何必天台
對曰以僕觀之乃仕宦之捷徑爾藏用有慚色明皇
詔於王屋山置壇室以居之承禎善篆隸金剪刀書
自成一家體帝命以三體寫老子刊正文句嘗鑄含
象鑑震景劔進之命光祿卿韋滔至其居按金籙設
祠厚賜上封太山因問承禎五嶽何神主之對曰嶽
者山之巨鎮而能出雲降雨爲國之望然靈僊所隱
別有僊官主之於是詔五嶽別立僊官廟特女貞焦
靜貞泛海詣蓬萊求師至一山見道者指言曰天台
山司馬承禎名在丹臺身居赤城貞良師也靜貞既

還詣承禎求度未幾昇天嘗降謂薛季昌曰先生得
道高於陶都水之任當爲東華上清真人開元中文
靖天師與承禎赴長生殿千秋節齋直中夜行道畢
隔雲屏各就枕斯須忽聞小兒誦經聲玲玲如金玉
響天師乃褰裳躡步而窺之見承禎額上有小日如
錢光耀一席逼而聽之乃承禎腦中之聲也天師還
謂其徒曰黃庭經云泥九九真皆有房方圓一寸處
此中又云左神公子發神語其先生之謂乎有弟子
七十餘人忽曰吾玉霄峯東望蓬萊有靈真降駕今
爲東海小清童君東華君所召必須往俄頃化去如

晚弟子葬其衣冠焉時年八十有九詔贈銀青
元祿大夫謚正一先生帝親文其碑葺渠牟作傳嘗
撰脩真秘指天地官府圖坐忘論登真系等行於世

葛洪

葛洪字稚川丹陽句容人少好學家貧躬自伐薪以
賃紙墨夜輒寫書誦習遂以儒學知名性寡慾無所
愛翫爲人木納不好榮利閉門却掃未嘗交游時或
尋書問義不遠千里崎嶇冒涉期於必得遂覽究典
籍尤好神仙導養之法從祖玄吳時學道得仙號曰
葛仙公以其煉丹秘術授弟子鄭隱洪就隱學悉得
其法焉晉成帝咸和初司徒王導召補州主簿後選
爲散騎常侍領大著作洪固辭不就以年老欲煉丹
以期遐壽聞交趾出丹砂乃求爲句漏令帝以洪資



葛洪字稚川丹陽句容人少好學家貧躬自伐薪以賃紙墨夜輒寫書誦習遂以儒學知名性寡慾無所愛翫爲人木納不好榮利閉門却掃未嘗交游時或尋書問義不遠千里崎嶇冒涉期於必得遂覽究典籍尤好神仙導養之法從祖玄吳時學道得仙號曰葛仙公以其煉丹秘術授弟子鄭隱洪就隱學悉得其法焉晉成帝咸和初司徒王導召補州主簿後選爲散騎常侍領大著作洪固辭不就以年老欲煉丹以期遐壽聞交趾出丹砂乃求爲句漏令帝以洪資

葛洪

高不許洪曰非欲爲榮以有丹爾帝從之洪遂將子
姪俱行至廣州刺史鄧嶽留不聽去洪乃止羅浮山
煉丹在山稽年優游閑養著述不輟其自序云洪體
乏進趣之才偶好無爲之業假令奮翅則能陵厲玄
霄騁足則能追風躡景猶欲戰勁翮於斥鷃之羣藏
逸迹於跛驢之伍何況大塊稟我以尋常之短羽造
化假我以至駑之蹇足自卜者審不能者止豈敢力
蒼蠅而慕沖天之舉策跛鼈而追飛兔之軌哉是以
望絕於榮華之塗而志安乎窮圯之域藜藿有八珍
之甘蓬蓽有藻祝之樂也世儒徒知服膺周孔莫信

之書不但大而笑之又將謗毀真正故予所

子言黃白之事名曰內篇其餘別難通釋名曰外篇
內外凡一百一十六篇雖不足藏之名山且欲緘之
金匱以示識者自號抱樸子因以名書洪博聞深洽
江左絕倫著述篇章富於班馬又精辨玄蹟析理深
微後忽與嶽疏云當遊行尋師尅期便發嶽得疏狼
狽往別而洪坐至日中兀然若睡而卒嶽至遂不及
見年八十一視其顏色如生體亦柔軟舉尸入棺甚
輕如空衣世以爲尸解得仙云史臣曰稚川束髮從
師老而忘倦紬奇冊府總百代之遺編紀化仙都窮

九丹之秘術謝浮榮而損雜藝賤尺寶而惜分陰游
德棲真超然方外全生之道其最優乎眉山唐庚子
西贊云江左日陋無復德輝翔而不集翩然南飛鄧
嶽細兒處仲餘黨豈有識知亦復瞻仰吾緣內丹遂
居羅浮豈以嶽故而議去留所就者大寧卹其小吾
與嶽遊如狎鷗鳥

李筌

李筌號達觀子居少室山好神仙之道常歷名山博
採方術至嵩山虎口巖得黃帝陰符本經素書朱漆
玉緘以玉匣題云大魏太平真君二年七月七日上
清道士寇謙之藏諸名山用傳同好其本摩爛筌抄
讀數千遍竟不曉其義理因入秦至驪山下逢一老
媪髻髻當頂餘髮半垂弊衣扶杖狀貌甚異路傍見
遺火燒樹因自言曰火生於木禍發必尅筌驚而問
之曰此黃帝陰符老媪何得而言之媪曰吾受此經
已三炁六周甲子矣少年從何而得之筌稽首再拜

且告所得姥曰少年顛骨貫於生門命門齊於日角
血腦未滅心影不偏德賢而好法神勇而樂智真吾
翁子也然四十五當有大厄因出丹書符一道貫於
杖端令筮跪而受之姥於是坐於石上與筮說陰符
之義曰陰符凡三百言一百言演道一百言演術上
有神仙抱一之道中有富國安民之法下有強兵戰
勝之術皆內出心機外合人事觀其精微黃庭八景
不足以爲玄察其至要經傳子史不足以爲文任其
巧智孫吳韓白不足以爲奇非有道之士不可使聞
之故至人用之得其道賢人用之得其法正人用之

得其術識分不同也如博同好必清齋而授之有
者爲師無本者爲弟子也不得以富貴爲重貧賤爲
輕違者奪紀二十本命日誦七遍益心機加年壽每
年七月七日寫一本藏於名山石巖中得加算久之
姥曰日已晡矣吾有麥飯相與爲食袖中出一瓢令
筮谷中取水既滿矣瓢忽重百餘斤力不能制而沈
於泉及還已失姥所在但留麥飯數升而已筮食之
自此絕粒唐玄宗開元中爲江陵節度使副御史中
丞筮有將畧作太白陰經十卷又著中台志十卷時
爲李林甫所排位不顯竟入名山訪道後不知其所

之也

...

...

...

...

...

...

...



東洋圖書印

所究研京東院學化文方東
No. 685
三九

東方化學研究所
圖書

0 1 2 3 4 5 6 7 8 9 2



張道陵

張道陵字輔漢，浦豐邑人。留侯子房八世孫。子房初遊下邳，遇黃石公，授以素書。後從漢高帝有功，封侯。養真辟穀，師友盡，松得東園公飛步之訣。謚文成侯。陰功隱行，流芳後葉。有子名不疑、不疑、次子高高、子通通、子無妄、無妄、子里仁、里仁、子覺覺、子起起、子大順、真人乃大順之長子也。母初夢夫人自北斗魁星中降至地，長丈餘，衣繡衣，以薔薇香授之。既覺，衣服居室皆有異香，經月而不散，感而有孕於東漢光武建武十年甲午正月望日，生於吳地天目山，時黃雲

覆室紫氣盈庭室中光氣如日月復聞昔已之香淡
日方散年及冠身長九尺二寸麗眉廣額綠睛朱頂
隆準方頤目有三角伏犀貫腦玉枕峯起垂手過膝
美鬚髯龍踞虎步豐下銳上望之儼然雖親友見之
肅如也七歲讀道德二篇十許遍而達其旨於天文
地理河洛圖緯之書皆極其妙通習墳典所覽無遺
從學者千餘人天目山南三十里西北八十里皆有
講誦之堂臨安神仙觀餘杭通仙觀卽其地也後舉
其良方正直言極諫科中之身雖仕而志修煉形輕
本久之退隱北邙山三年有白虎銜符文置座傍朝

廷就徵爲博士稱疾不起和帝卽位聞其有道以二
品印綬駟馬車等徵爲大傅後封冀縣侯三詔不就
語使者曰爲我謝天子人生百歲光陰瞬息間父母
妻子恩愛隆厚豈能長保哉九天之上無何有之鄉
金闕帝君將詔吾以爲臣矣惟清靜寡慾則天下自
治何以臣爲時永元四年壬辰歲也遂自河洛歷江
淮名山徧禮洞府沂流入蜀筮筮而從學者數百人
樂蜀之溪嶺深秀遂隱其山苦節學道蓄氣養神謂
諸弟子曰吾少嗜學研窮六籍大抵皆經世具也夫
通爵顯秩羸金穀玉比吾身中一毫孰重然四體百

骸又豈吾所固有也皆游塵聚沫爾剝心煉形與道
合真乘雲駕龍白晝上賓豈不快哉人生有會則離
有生則死死者精神冥冥不可復還惟昔軒轅味道
松喬食霧並白日飛騰永劫無窮不亦美乎古人辭
萬乘之貴千駟之富良有以矣既不能兼才通俗與
世俱濟請從所學各宜及時於此分別不亦可乎夫
人情亦無極聚極則散去樂極則悲來豈可逃也吾
今將遊涉山海遠離塵境棲寓幽渺以究所學與汝
等別離子等回如何也弟子有王長者習天文通黃
老留侍左右遂散學徒以清虛淡薄爲務不交人事

王長負書行歌同往雲錦山居而真人修玄玄之
後乃按方煉龍虎大丹一年有紅光照室二年有五
霧覆鼎夜不假燭髣髴有青龍白虎各一常遶丹鼎
三年丹成丹成而龍虎見山因以名真人年六十餘
餌之而容貌益少若三十許人行及犇馬又得祕書
祕文制命山嶽檄召萬靈一日謂王長曰五嶽多仙
子三蜀足名山吾將能借遊乎遂與北入嵩山崖嶺
石居數年精思感徹有繡衣使者告曰由峯石室藏
上三皇內文黃帝九鼎太清丹經得而脩之者昇天
也真人感其言乃齋戒七日入其室足所履處足然

要微

有聲卽坎其地取之果得丹書進而受之遂復尋西極名山其地勝多名物因入陽平山精思服煉能飛行遠聽得分形散影之妙通神變化坐在立亡每泛舟池中誦經堂上隱几對客杖藜行吟一時並赴人皆莫測其靈異也真人惟讀五千文晝夜無倦色後往西城山築壇朝真以降五帝忽一鄉夫告曰西城房陵間有白虎神好飲人血每歲其民殺人祭之真人召其神戒之遂滅又告梓州有大蛇藏山穴中鳴則山石振動時吐毒霧行人未及三五里率中毒而死真人以法禁之不復爲害在葛瓊山隱形巖舍服

氣調神在秦中山脩九真祕法在昌利山採服五衆藥在隸上山始授弟子養形輕身法在湧泉山得入水入火之術於是度人救物已著陰功矣在真多山思神念真在北平山有猛獸數百馴擾戶外在稠稷山有一老翁化爲獐鬼來恐真人誦經不顧逡巡自退在鶴鳴山服五雲氣其間石鶴鳴則有昇天者先是章和間其鶴鳴焉後居渠亭山脩煉九鼎神丹三年將成未敢服謂王長曰冲天之士當功及生靈佐國立家興利除害然後輕舉臣事三境則無愧焉苟利一身功不及民非大道弘濟之旨吾觀蜀中蛇

毒鬼氣綿亘山谷生民不知潛懼其害吾甚憫之今
且脩行清靜之化輔贊大道撫育元元爾於是精思
上徹金闕後聖時順帝漢安元年壬午歲正月十五
日午夜月明真人在鶴鳴山寢方酬熟老君駕飛錄
輶駐山東南顧謂衆真曰道陵脩行困苦吾感其志
將授以治身秘錄飛騰長生之道而遇其休息神遊
物外卿等勿驚今自覺也時真人夢見一人帶夜光
之甲冠通天之幘執命堯三氣之幢謂真人曰咄咄
道陵子何心生疲倦聖駕又駐待于夢覺真人忽然
驚起攘袂振衣疑爲外邪所亂良久鑿佩珊珊天樂

隱香花覆地紫雲滿空澄日東瞻紫雲之上有
車一乘駕五白龍青袖朱衣金甲執戟者二十四人
左右環列車前對立玉女綵衣花帔雲髮頰肩各執
一幢上有玉榜金文曰命魔之幢次列二童青衣紺
首垂環曳裙各執一旛上左青龍右白虎金榜朱文
曰召僊之旛復次二人朱袖金甲各執三氣十絕旌
節上有丹榜素文曰倒景之節前立一人繡衣玉冠
捧三五斬邪雌雄二神劍上各有星斗日月之文車
右一人霞衣金冠捧一玉印文曰陽平治都功印其
餘翼衛侍從莫知其數素車之上九色輕霞濛濛然

須臾光景澄徹見車中一神人容儀若冰玉手執五明寶扇項負八景圓光身六丈餘神光照人不可正視車前一人勅真人曰子勿怖卽太上老君也真人歛簡前拜不敢仰視老君告曰吾等降蜀山立二十四治乃二十八宿之下固實陰景黑簿之司分掌人世死生罪福吾愍下元生人繫紲苦覓延累祖考積成幽釁令人凶折終不成道卽在此獄之中吾以更置福庭經今數劫僞僚不克職任隳廢近有六天鬼神血食之輩侵奪以居晝夜不分人鬼無別在累生民妄罹災害深可痛惜子可爲吾攝邪歸正分別人

鬼各守晝夜復典此治以福生民則子功無量矣吾以汝名在丹臺當爲真人故委汝也真人叩頭謝曰道陵性識愚戇萬劫幸遇遭會大道死鬼再生枯骨重肉欽佩道旨謹當奉行不敢懈怠老君遙召三五功曹須臾四方有五色氣勃勃而起其中有二僊乘龍虎二騎皆長數丈黑幘朱衣佩劍執圭從官百二十人皆黑幘繡衣持劍執戟侍衛進拜老君曰卿等三五功曹乎速爲吾開紫陽南宮玉宸內殿取正一盟威秘籙吾欲傳授俄傾之間南方起二十四生氣祥光瑞彩泱然滿空其中各列玉童捧一玉函貯籙

史記卷之八十八 卷之八十八 卷之八十八
一品皆玉札金文及都功版券職錄以授真人謂真人曰與卿千日爲期後會閼苑老君復以三清衆經九百三十卷符籙丹竈秘訣七十二卷一千二百章雌雄二劍都功印二儀交泰冠驅邪帔褐魚鬣衣方裙朱履等賜之令制科律佐國行化行之千日則邪鬼不敢正視傳度已訖於鶴鳴山研味秘文按法遵行修之千日內顧五臟外集三萬六千神又感清和玉女教以吐納清和之氣攝伏精邪行錄中三步九跡交乾履斗之道卽魁罡七元隨兵所指隱遁出沒皆得自然遂依告命戰鬼於蜀時有八部鬼帥各領

鬼兵動億萬數周行人間劉元達領鬼行雜病張元伯行瘟病趙公明行下痢鍾子季行瘍腫史文舉行累汗寒瘧范巨卿行酸痛苑公伯行五毒李公仲行狂魅赤眼皆五行不正殃禍之氣隨時更名在東方爲魔王在南方爲鬼帥在西方爲外道在北方爲鬼王在中央爲神鬼春三月百鳥鳴叫之時作禱詛五墓之鬼直入秋作人家親上部七公宅龍伏尸之鬼冬作塚墓攻舍之鬼隨月建胎生或作畜類之形噓毒嘯禍暴殺萬民在天無數其八部鬼帥領鬼衆居西蜀青城山一山有鬼市分形變化混雜人間布行疫



癘人莫知之人鬼合雜市利交易真人以漢安二年
九月一日風盟威秘籙往青城山置琉璃高座左供
大道元始天尊右置三千六部真經立十絕靈幡周
匝法席鳴鐘扣磬燒香行道及誦道德諸經布龍虎
神兵於城市衆鬼節持兵刃矢石來害真人真人舉
手一指化爲一大蓮花拒之鬼衆持火千餘炬來真
人舉手一指鬼反自燒不能前進遙語真人曰師自
住峩眉山何爲來奪我居處師等遽下山須臾必殺
師真人曰汝等凶毒殘害衆生所以吾不使汝居此
當擯於西方不毛之地元達等聞此語卽會鬼帥兵

馬各千萬衆精甲犀刃上山圍繞王長驚怖啓真人
曰魔王衆來作何計術真人曰小鬼何足驚怖取丹
筆來王長以進真人執筆遙畫鬼陣其衆皆死小帥
校一時僵仆八大鬼王因臥叩頭博頰求乞殘生真
人聞語良久不言再以丹筆倒書之鬼衆復蘇卽呼
鬼王曰汝等進前吾有處分鬼王各各前立真人曰
汝等可速還避自今勿復行病妄有殺害今之民庶
皆吾子弟之家爾不然誅無留種鬼王曰天下人民
本自隸我云何盡奪當分一半真人不許叱出之鬼
王復會六六魔王領百萬鬼兵再來攻戰圍繞此山



史記卷之百二十一 卷之百二十一
王長曰鬼眾不可當復何作計真人笑曰子勿驚吾
自能却之復以丹筆一畫鬼眾悉死惟六天魔王仆
地不能起扣頭搏頰乞殘生而去真人不顧復以丹
筆一擬此山遂中爲二摩甯徹泉鬼兵欲度不能大
聲求哀自今而去不敢復來乞往西方安羅之國而
居止焉真人乃許倒筆再畫入帥六魔悉起呼之使
前趨進不得真人乃令王長肩一大石爲橋度之鬼
王方得進拱立侍前真人細問曰汝能以筆畫石得破
亦當與汝分民若不破汝可急馳萬里也元達執筆
交書石皆不破時雖攝伏由衆更欲盡制其心謂之

日汝等旣欲與吾分民當與汝輩各盡法力以分勝
負元達等曰惟命是聽真人投白刃入大火中卽是履
青蓮而出鬼帥投身爲火所燒其人入木身度木外
木卽隨合鬼帥投身卽墜於地真人入水乘黃龍而
出鬼帥入水爲水所溺真人以身入石透石而出鬼
帥投身纔入一寸真人以身入鐵山透鐵而出鬼帥
纔入半寸真人呪神符一道左手指之鬼斃右手指
之復生鬼帥舉手指之無復生死元達等乃化八大
虎犇攫而來真人化二獅子逐之奔走無地鬼帥又
化八大龍欲來擒師真人再化金翅鳥啄龍目睛其

龍乃走又化作大神顛履震吼雙持大槓欲擊真人
真人乃化金剛身長七十二萬丈廣五十二萬圍戴
大冠負圓光踏蓮花寶臺具十二種無量相一杵一
拳一擬大神大神退走鬼帥等騰身十二丈即墜真
人騰空高百餘丈上無所攀下無所乘鬼帥作五色
雲昏暗天地不見光明真人化五色瑞日炎光暉灼
雲即流散鬼帥變見窮盡更無所為真人化一大石
可重千餘斤以藕絲懸之徧滿鬼帥營上令二鼠爭
齧其絲欲壓殺其眾鬼帥等無所逃避同聲哀告願
乞餘生即當遠去不敢害及生民真人遂命五方八



天鬼神會盟於青城山黃帝壇下使人處
鬼行幽暗使六天鬼王歸於北酆八部鬼帥領眾
于西域伍行之毒又戒而釋之乃執丹筆曰吾筆所
指鬼眾盡滅要之人鬼分治幽明異境不欲盡滅汝
類即與盟誓折石為契刻作天地日月之形于黃壇
之下絕崖之上誓曰天地交日月合汝等若復行必
盡誅之勿留種矣乃以神印封鬼營市使不得相通
盟誓之後鬼眾躊躇不去真人曰勅神符一道飛上
層宵于時風雨天僊兵馬風刀立至諸鬼滅影而走
於是戰鬼二十四敗蕩滌區藪奪鬼幽嶽復為二十

四陰官降二十八宿正氣以通地中每治立陰官一人僊官一人分掌世人罪福有立功立行修齋設醮騰章拜表謝過祈福薦拔祖考者則僊官錄其功行奏名於上宮增其福壽如不孝不忠欺詐狠戾常行惡事不能改過者則陰官錄其罪聞於地府損其福壽或絕其後由是善惡報應如影響焉真人既行正一之化攝三萬六千種外道惡魔誅絕邪僞於是百姓翕然奉以爲師居弟子數萬家立諸祭酒分領民戶有如官長并立條制令民隨車輸粟帛器皿紙物薦蓆樵薪所在貯之以備齋醮及供給行旅而人

無敢欺竊教民立橋梁修道路置義井謂之
功或有州縣官及人民疾病者持一手狀來投真人
檢察其所犯罪愆一一條列之令設齋醮布施謝
過其疾卽愈又教以廉勤理民不煩刑罰民畏罪遷
善盜賊不作物無疵厲皆天師之化也真人因至蒼
溪縣雲臺山觀山水秀異羣峯朝揖地無邪毒乃謂
王長曰此山乃吾成功飛騰之地遂卜居以修九還
七返之功一心存念大道經四十九日復聆昔日鑾
佩天樂之音真人整衣叩伏乃見老君如前導從千
乘萬騎來集空際久之徘徊不下真人再拜悲泣躡

仙言曰臣昔自念夙承寶蔭親授秘文乃依天憲戰
鬼行化功成退居今飈駕再臨不我下降意者大道
離臣臣其爲尸敗乎遂舉手以身自什老君乃命使
者告曰卿之功業合得九真上僊吾往使卿入蜀奪
鬼幽獄區別人鬼布清靜之化而卿殺鬼過當擅興
風雨役使鬼神驅馳星斗震蕩山川陰景翳晝殺氣
穢空此非大道好生之意上帝責子之過所以吾不
得近子矣吾未能與子論功且當退居世間待吾於
下元之主當與申叙罪戾以雪重責真人悲泣請死
于今日老君復告曰子可閉目東視乃見一人黃衣

輿轎捧一玉函中有素書三卷題曰三八謝罪滅
簿超度玄祖章真人再拜受訖老君告曰子可勤行
修謝日月二十八宿二十四氣陰陽本命主者罪滅
黑簿名昇紫清七祖父母同爲上僊謝過之後更修
之三千六百日吾待子於無何有之卿上清八景宮
中言訖聖駕已回真人遂依告文領弟子遷鶴鳴山
築壇以醮大陽太陰遇三元八節本命元辰庚申甲
子三會五臘修齋設醮轉經燃燈懺謝日月星辰天
地陰陽自己九玄七祖所犯之罪三年之後玄祖生
天從學弟子再聚數日同往主簿山隱功馨聞衆瑞

符應一夕神人授以玉璧謂曰羣僊使我以此光子居本竹山衆真授靈寶上經居蒙秦山有神人夜負真人以俱往三日乃返領弟子遷渠亭山是時從真人游者數十人一日告其徒曰諸弟子謝爾輩勤事我柰爾輩俗態未除不能棄世正可得吾行氣導引之術或可得服食草木數百數之方爾業重緣薄未可遽議成道更三世可與吾會第往之乃指王長惟爾累世種善可以成就矣又曰東方有男子走小月者當飛昇不遠千里明年正月七日當來矣且說容貌長短形色及期真人曰日且午趙子其至乎言卒

而昇至皆如所言門人以告真人曰噫此人來矣未可遽納乃七試之初不受謁令人唾辱遣之不去露宿四十日志益確乃見之又使入山守黍驅獸夕有美女言遠行遇夜願寄宿昇與接席端坐達旦明日又告病足逗留治容托昇昇終不失正人行道見遺金數十餅過而不取又令伐薪有三虎哮吼而前昇色自若曰吾遠從聖人求不死之道汝爲山鬼試我邪虎乃去又使令人肆市帛付直訖而物主誣以未得昇了無所爭更買衣以償之又令守稻有弊衣瘠容瘡瘍遍膚口齒臭敗扣頭乞食昇惕然動容解衣

餉飯以餘糧遺之凡六試皆動心感色之事昇執心
 無二真人又領登雲臺絕崖之上逍遙嘯咏下臨萬
 仞之壑有柈生絕壁間其實甚異真人謂諸弟子有
 能得此實者當告之以道於是俯而窺者將二百餘
 莫不股慄駭汗謝曰此柈不可得也惟昇進曰聖師
 所護何峻險之有師在終不使昇殞於此谷分若可
 教此柈可得矣於是投身而下正及柈上足不蹉跌
 摘滿懷攀緣石壁欲上不可即仰而擲之二百餘顆
 真人分諸弟子留一待昇臨谷以手援之眾見其臂
 不加長歛虛引而上徐曰昇猶以正心得柈不致殞



吾今試自投之當應大得柈也眾言不可惟昇長
 不諫遂投身而下因失所在久而不上眾驚莫測昇
 長默然良久乃曰師則父也父既往矣吾將安歸言
 訖俱投谷中正墜師前見真人在瓊林寶帳之中七
 寶臺上瞑目端坐笑曰吾知汝二人當至也遂授以
 神丹及寶經秘訣其諸弟子守於雲臺絕崖之上二
 日各散去真人與王趙三日復還治中一日領弟子
 遙見陽山白氣屬天謂昇曰彼處必有妖恠當往除
 之遂至其地危十二神女於山前姿態妖豔因詰其
 由神女答曰妾等實土地陰靈也真人遂問鹹泉何

在神女曰前有大湫毒龍處之真人以法召之不出
遂書一符化爲金翅鳳向湫上盤旋去母龍驚懼捨湫
而走出其湫即竭遂得鹹泉煎之成鹽金翅鳳泊於
南山之上後人呼爲鳳凰臺鳥雀至今不敢棲其上
十二神女各捧一玉環來獻曰女等願事筆箒真人
受其環以手揖之十二環合而爲一謂曰吾投此環
於井中能得之者應吾夙命也神女聞語競解衣而
入爭取玉環真人遂掩之曰令作井神勿得復出
免爲生人之患真人方治鹹泉有一獵者至真人戒
之好殺因授以煮鹽之法其井深五百四十八闕一

人曰得鹹泉四十餘函其利甚博真人遂指西北山
上曰此處可以築城又指城南下曰此處川嶽相朝
可建福庭後人感真人之言因而立祠至今崇奉禱
禱不絕真人領昇長往閩中居一日思神之際謂二
子曰吾向取神女衣深慮神女復取之出爲人害遂
再詣其所取衣藏於高峯石室中勅地神守護卽炤
陽洞也彼方之民至今不惟神女之害而獲鹹井之
利後以真人之諱旌其事今陵州是也蜀中鹽池皆
於其傍立清河府君之祠清河乃張氏郡也其山下
無江及井居人乏水真人以神劍插地因而成井遣

神衛之使之不竭真人謂昇長曰此山多巖人民居
焉慮山崖或墜落遂召其神誓之使不傷人真人與
弟子過宋江其中多異物爲人害真人置石函於江
中錄神姦之名以法召入鎖之復以大山篆符以鎮
焉其恠遂絕後人呼爲擯鬼符每水涸人多見之摹
歸供養以屏妖惡真人復領昇長往鶴鳴山亭午之
際忽見一人朱衣青襟曳履執版一人黑幘綃衣佩
劍捧一玉函從朱衣使者進口奉上清真符召真人
遊於閨苑須臾東北有十四人皆龍虎鸞鶴龜鱗魚
鳥之騎執節持幢前後從引千乘萬騎獅子辟邪天

丁甲卒無鞅騎束來迎真人次有黑龍駕一紫輦王
女二人引真人登車旋踵至闕闕前榜云擬太玄都
正一真人闕真人旣至羣僊禮謁良久二黑衣吏持
天符佩劍執圖籍而至上云超度先祖之籍卽皆上
朱陵府矣真人視事訖領弟子居渠亭山石室中調
太真之氣一日忽有二青童引羣僊來皆朱衣絳節
前導曰老君至矣中有一人長丈餘素髮朱顏項負
圓光從者二人可二十許或指曰此子房也此子淵
也坐頃乃引青車一兩別遣二人翼真人登車騰空
而上至一處臺殿巍巍金堦玉砌或謂真人曰將朝

太上元始天尊也真人整衣趨進望見殿上圓光照人不可正視或語曰左侍無上大道若右侍太極真人前侍虛微元君後侍太上真人金童玉女傳香散花妙行真人執經俯而前立班成羣真皆謂曰今子等皆成真矣由汝一念而萬劫業緣皆盡於今日移時殿上勅青童諭真人以正一盟威之法使世世宣布爲人天之師拜真人爲太玄都正一平炁三天扶教輔元大法師勅還人間勸度未悟仍密諭飛昇之期真人受命復返渠亭赤石崖舍出三天正一秘法付長昇復於離沅山中敷演其法次還陽平山以飛

仙輕舉之法付嗣師又入鹿堂山中煉九鼎神丹平蓋山合九華大藥時有東治禁氣師姚徐二姓能收社廟之鬼回喪車起死尸周流九州之內常統陰鬼甲馬萬數闕師在蜀乃求見焉曰大道一氣爾神靈之間寧有隆卑邪吾等統八極陰兵億萬假令有道其如吾何麾其徒至戶外真人不納額請長昇曰此乃六天邪神不合與正氣相見令立道傍三晝夜不與進退弟子恠而問之真人曰此與羣精大邪共來試我今令立於門外亦無苦也姚徐呼曰聞師有道故來求見旣蒙不納復令久立我何罪也真人乃

令弟子語曰今赦原汝不問往罪其衆乃得辭去真人領弟子還鶴鳴山於桓帝永壽元年乙未正月七日五更之初長昇見空中神仙騎吏一人駕雲車徘徊於山之東南大聲言曰張道陵功已行就將授以秘籙言訖老君駕龍輿真人乘白鶴自渠亭山會于成都城下老君同至萬神湊迎湧出一玉局高丈餘老君昇座爲真人再授道要重演正一盟威之旨說北斗延生經以十五日上元再會于成都說南斗經及演說真人聽畢老君已回玉局消散因成空洞真人往鹿堂治召四鎮太歲五嶽四瀆社稷神祇羣仙人

悉集是時山前有一石筍可高丈餘真人執起以誓衆神曰太上有勅令吾誓衆當崇奉正道好生惡殺佐國安民其有不稟恭者吾遣萬人誅之乃擲石筍於巖下立於治側遂與定三十六靖廬七十二福地三百六十名山高低品秩各置一正神主守如世間郡邑之治遂領昇長往雲臺治於西北隅築壇安爐復煉大丹丹成服之浴於水有神光亘天永壽二年丙申真人自以功成道著乃於治之西北半崖間舉身躍入石壁中自崖頂而出因成二洞今崖半曰峻仙洞崖上曰平仙洞是年九月九日在巴西赤城渠

亭山中太上遣使者并五帝部從持玉册授正一真人之號真人將以盟威都功等諸品秘籙斬邪二劍玉册玉印以授其長子衡戒之曰此文總統三五步罡正一之樞要世世一子紹吾之位非吾家宗親子孫不傳謂長昇曰吾有餘丹在煉丹亭上金盃之中汝二子可分餌今日當隨吾矣是日亭午之際復見一人朱衣青襟曳履持版一人黑幘綃衣結履佩劍各捧玉函從朱衣使者趨前再拜曰奉上清真符迎真人於閩苑須臾東北有二十四人皆龍虎鸞鶴之騎各執青幢絳節師子辟邪天騶甲卒皆至稱景陽吏卽有黑龍駕一紫輿玉女二人引真人與夫人雍氏登車前導後從天樂引迎於雲臺峯白日昇天時真人年一百二十三歲也

張繼先

代天師張諱繼先字嘉聞號脩然子宋元祐七
 年壬申十月二十日生于蒙谷庵五歲不言一日聞
 雞鳴忽笑賦詩曰靈雞有五德冠距不離身五更張
 大口喚醒夢中人九歲嗣教崇寧二年澠州奏鹽池
 水溢上以問道士徐神翁對曰蛟螭為害宜宣張天
 師命有司聘之明年赴闕召見問曰卿居龍虎曾見
 龍虎否對曰居山虎則常見今日方觀龍顏上悅令
 作符進上覽笑曰靈從何來對曰神之所寓靈自從
 之上問能書否臣嘗書道德經遂取進上問修丹之



術若何對曰此野人事也非人王所宜嗜陛下清淨
無爲同符堯舜足矣上悅侍入寢殿宮人競以扇求
書以經語書之皆密契其意中舉一握稽首誓曰保
鎮國祚與天長存乃上之所御也賜宴而出十二月
望日召見上曰澥池水溢民罹其害故召卿治之命
下卽書鐵符令弟子祝永祐祠中官投澥池岸圯處
踰頃雷電晝晦有蛟螫磔死水喬上問卿向治蛟螫
用何將還可見否曰臣所役曰關羽當召至卽握劍
召於殿左羽隨見上驚擲崇寧錢與之曰以封汝世
因祀爲崇寧真君明年三月奏鹽課復常五月召見

道法同異對曰道本無爲而無不爲體卽
也用卽法也體用一源本無同異若一者不立二者
強名何同異之有上曰然若有同異便與言爲三矣
因進天心盪亮諸雷法上親祀之七月建壇傳授經
籙演法講說道妙叅禮者雲集皆領悟而去上御天
祥殿從容問道及時政對曰元祐諸臣皆負天下重
望乞聖度從容上悚然曰朕何所不容對曰陛下弘
建皇極無偏無黨以天下蒼生爲念幸甚力乞還山
上獎諭許之贈金帛皆不受命近臣具禮餞于國門
四年復召建醮內廷因密奏赤馬紅羊之兆請修德

徽宗賜號虛靖先生賜金鑄老君及漢天師像四方
學者率數千百人大觀丁亥上遣使命醮于山中且
召赴闕時徐神翁同館居無何神翁曰世事悠悠不
如歸休對曰歸則便歸何思何慮神翁遽坐而逝端
陽召見宮中云有妖卿當祛之對曰聞邪不干正妖
不勝德陛下修德妖必自息內侍奏仁濟亭果有妖
俄頃妖憑一少年以手抱頭泣拜天師曰汝心自昧
墮在迷途返爾本形汝宜速化乃收泣仆地久之遂
甦上復命以大甕數十貯水烹畿取符投水中以飲
有疾者凡飲者皆愈上遣使問道要且言神仙可學
不死可致乃作大道歌授使以進大觀二年還山賜
金帛力辭曰臣一野褐爾得無以用公卿祖送塞道
揖別曰聚散本常理出處無定期浮生倏忽諸公勉
之還山與弟子曰江湘入蜀有二十八治久之自秦
川還山卽西源築庵居之扁曰渾淪卽今瓊林臺北
有爲愛西源好絕句五首時石自方自鄱陽來與之
游一日語以死生之變自方曰吾得全於天不知好
生不知惡死何得以死哉答曰不然爾謂得全於
天天復得全於何真宰不明性識交熾一真獨露萬
劫皆空則天亦無所全自方有省政和二年遣使復

召以疾辭俾弟子王道堅奉謝以修德弭災爲告勅
改上清觀爲宮授道堅爲太素大夫丙午金人犯汴
上與太上皇思天師預奏之言遣使亟召至泗州天
慶觀索筆作頌曰一面青銅鏡數重蒼玉山恍然夜
船發移跡洞天間寶殿香雲合無人萬象聞西山下
紅日烟雨落潏潏書終而化時靖康丙午十一月二
十三日京師亦以是日陷族父收葬于龜山之下初
天師在京時太學生陳東以終身問天師曰陳東爲
忠臣垂名不朽高宗南渡陳東上書乞罷黃潛善汪
伯彥東被殺天師旣化越十六年紹興辛酉西河薩
守堅遊青城遇于峽口授以法及水調歌一闕授
書一緘履一隻令達嗣師抵山嗣師發書異之令人
啓泗州窆惟一履存方知其尸解後亦有過於武夷
及羅浮西蜀隱顯不定云

張道陵傳



張宗演 附正一教 真大道教 太乙教法 師傳派

正一天師者始自漢張道陵其後四代曰盛來居信
之龍虎山相傳至三十六代宗演當至元十三年世
祖已平江南遣使召之至則命近臣郊勞待以客禮
及見語之曰昔歲己未朕次鄂渚嘗令王一清往訪
卿父卿父使報朕曰後二十年天下當混一神仙之
言驗於今矣因命坐錫宴特賜玉芙蓉冠組金無縫
服命主領江南道教仍賜銀印十八年二十五年再
入覲世祖嘗命取其祖天師所傳玉印寶劔觀之語
侍臣曰朝代更易已不知其幾而天師劔印傳子若

元史卷一百一十五 張道陵傳

孫尚至今日其果有神明之相矣乎嗟嘆久之二十九年卒子與棣嗣爲三十七代襲掌江南道教三十八年入覲卒于京師元貞元年弟與材嗣爲三十八代襲掌道教時潮嚙鹽官海鹽兩州爲患特甚與材以術治之一夕大雷電以震明日見有物魚首龜形者磔于水齋潮患遂息大德五年召見于上都幄殿八年授正一教主主領三山符錄武宗卽位來朝授金紫光祿大夫封留國公錫金印仁宗延祐三年卒其徒張留孫者信州貴溪人少時入龍虎山爲道士有道人相之曰神仙宰相也至元十三年從天師張

宗演入朝世祖與語稱旨遂留侍闕下世祖嘗親臨幄殿皇太子侍忽風雨暴至衆駭懼留孫禱之立止又嘗次日月山昭睿順聖皇后得疾危甚亟召留孫請禱旣而后夢有朱衣長髯從甲士導朱輦白獸行草間者覺而異之以問留孫對曰甲士導輦獸者臣所佩法籙中將吏也朱衣長髯者漢祖天師也行草間者春時也殿下之疾其及春而瘳乎后命取所事畫像以進視之果夢中所見者帝后大悅卽命留孫爲天師留孫固辭不敢當乃號之上卿命尚方鑄寶劔以錫建崇真宮于兩京俾留孫居之專掌祠事十

五年授玄教宗師錫銀印是時天下大定世祖憇與民休息留孫待詔尚方因論黃老之道貴清淨聖人在宥天下之旨深契主衷及將以完澤相命留孫筮之得同人之豫留孫進曰同人柔得位而進乎乾君臣之合也豫利建侯命相之事也何吉如之願陛下勿疑及拜完澤天下果以爲得賢相大德中加號玄教大宗師武宗立召見賜坐陞大真人進講老子推明謙讓之道及仁宗卽位猶恒誦其言且諭近臣曰累朝舊德僅餘張上卿爾進開府儀同三司刻玉爲玄教大宗師印以賜至治元年卒年七十四其徒吳

全節饒州安仁人年十三學道于龍虎山至元二十四年至師京從留孫見世祖三十一年成宗至自朔方召見賜古璫玉蟠螭環一勅每歲侍從行幸所司給廬帳車馬衣服廩餼著爲令大德十一年授玄教嗣師錫銀印視二品至治元年留孫卒二年制授特進上卿玄教大宗師全節嘗代祀嶽瀆還成宗問曰卿所過郡縣有善治民乎對曰臣過洛陽太守盧摯平易無爲而民以安靖成宗曰吾憶其人卽日召拜集賢學士成宗崩仁宗至自懷孟有狂士以危言訐翰林學士閻復者事叵測全節力爲言于李

孟子以盟仁宗意解復告老而去當時以爲朝廷得
敬大臣黜而不以口語傷賢者全節蓋有力焉全節
雅好結士大夫無所不傾其交長者尤見親而敬推
轂善類惟恐不盡其力至於振窮周急又未嘗以恩
怨異其心當時以爲頗有俠氣云全節卒年八十有
二真大道教者始自金季道士劉德仁之所立也其
教以苦節危行爲要而不妄取於人不苟侈於己者
也五傳而至酈希誠居燕城天寶宮見知于憲宗始
名其教曰真大道授希誠太玄真人至元五年世祖
其徒孫德福統轄諸路真大道錫銅章二十年改

賜銀印

劉德仁
另有傳

又三傳而至張志清其教益盛授演

教大宗師疑神冲妙玄應真人志清事親孝尤耐辛
苦制行賢峻東海珠牢山舊多虎志清往結茅居之
虎皆避徙然頗爲人害志清曰是吾奪其宅也遂去
之後居臨汾適地大震城郭邑屋摧壓死者不可勝
計獨志清所居裂爲二無少損焉志清乃徧巡木石
間聽呻吟聲救活者甚衆朝廷重其名給驛致之掌
教事志清舍傳徒步至京師深居簡出人或不識其
面貴人達官來見率告病臥內不起至於道德縉
紳先生則納屣杖屨求見不以爲難時人高其風至

畫爲圖以相傳焉太一教者始金天眷中道士蕭抱
珍傳太一三元法籙之術因名其教曰太一四傳而
至蕭輔道世祖在潛邸聞其名命史天澤召至和林
賜對稱旨留居宮邸以老請授弟子李居壽掌其教
事至元十一年建太一宮于兩京命居壽居之領祠
事且禋祀六丁以繼太保劉秉忠之術十三年賜太
一掌教宗師印十六年十月辛丑月直元辰勅居壽
祠譙奏赤章于天凡五晝夜事畢居壽請間曰皇太
子春秋鼎盛宜參預國政且又因典瑞董文忠以爲
言世祖喜曰行將及之矣其後詔太子參決朝政庶
事皆先啓而後聞者蓋以居壽爲之先也

卷之二 第... 頁

...

...

...

...

...





所
圖
書

